

Iz Waterloo-a: Fikret - Fiko Kudic

## **USPJESNO ZAVRSEN PRVI BOSANSKI FESTIVAL U WATERLOO-U**

Radost, uspješno završenog, 1. Bosanskog festivala, među Krajisnicima u Waterloo-u, djelimično je poremetila, u zadnje vrijeme, jedna od najvećih poplava, koja je zadesila naš grad. Nakon, ucestalih, kisa u zahnjih mjesec dana i ako je grad dobro zaštićen od poplave, nivo vode je prerastao sigurnosne zaštitne nasipe, a na nekim mjestima, ni dodatne mjere zaštite nisu izdržale nalet vode, tako da su se veći dijelovi grada našli pod vodom. Ista sudbina zadesila je i mnoga druga mjesta u sjeverno-istočnom dijelu Iowe. Materijalne štete su ogromne i za sada se ne mogu ni utvrditi sve dok se voda ne povuče. Među materijalno nastradalim, vlasnicima biznisa i kuća, su i mnogi naši zemljaci. Ipak sve nije tako crno i na sreću za sad nema ljudskih žrtava. Svi naši gosti, iz Velike Kladuse su dobro i svi su na sigurnom. Organizatori 1. Bosanskog festivala imali su veliku sreću sa vremenom, jer su većinu svojih aktivnosti, na festivalu, završili dva dana prije poplave. Planirani susret delegacije iz Velike Kladuse i organizatora festivala sa gradonačelnikom Waterloo-a, gospodinom Timom Hurley-om, odgođen je za nekoliko, narednih, dana.

Prvi Bosanski festival u Waterloo-u, glavni povod okupljanja Krajisnika i dolaska gostiju iz Velike Kladuse, veoma uspješno je završen.

U petak veče u prelijepoj dvorani Ramada hotela na kulturno-zabavnom dijelu festivala okupilo se preko pet stotina posjetilaca. U ime organizatora festivala svim prisutnim, obratila se gospodja Zulfeta Rizvic, koja je bila zadužena za kulturno-zabavni dio festivala. Govoreći o značaju festivala za Bosansku zajednicu u Waterloo-u kao i kompletnu, našu dijasporu u Americi, gospodja Rizvic je iskoristila priliku i pozdravila sve prisutne i zahvalila se svim onim koji su, na bilo koji način, pomogli u organizaciji i uspješnom održavanju ovog festivala. U svom obraćanju gospodja Rizvic naglasila je posebnu važnost, ulogu i značaj dolaska gostiju iz zavičaja i naše domovine Bosne i Hercegovine na festival, te prenijela riječi zahvale svim onim koji su pomogli da do ovog historijskog dolaska dođe. Nakon gospodje Rizvic prisutnima se obratio i zvanično otvorio 1. Bosanski festival, gradonačelnik Waterloo-a, gospodin Tim Hurley. U svom obraćanju gospodin Hurly, također, je podvukao značaj festivala i značaj i ulogu bosanske zajednice u Waterloo-u i okolini. Spriječena obavezama da bude prisutan na festivalu, načelnik općine Velika Kladusa, na izuzetno topao i pomalo emotivan način, putem audio snimka je pozdravio prisutne i sve u dijaspori, te domaćinima u Waterloo-u zazelio uspjeh u organizovanju festivala. Na kraju prisutnima se obratio i vođa delegacije općine Velika Kladusa gospodin Senad Šehić- Faso. U toku večernjeg programa domaćin je dodjelio priznanja najzaslužnijima za dolazak gostiju iz zavičaja u Ameriku i to: gradonačelniku Waterloo-a gospodinu Tim-u Hurley-u, Skupštini općine Velika Kladusa, načelniku općine Velika Kladusa gospodinu Admilu Mulalicu, predsjedniku vlade Unsko-Sanskog kantona gospodinu Semsudinu Dedicu, Centru za kulturu i obrazovanje Zuhdija Zalić iz Velike Kladuse, NK Krajisnik iz Velike Kladuse, NK Mladost iz Vrnograca, NK ABC iz Podzvizda i KUD Tono Hrovat iz Velike Kladuse. Učesnici u programu zaista su dali sve od sebe, a publiku su posebno odusevili

gosti iz Velike Kladuse. Izvedba njihove folklorne, dramske i sekcije za njegovanje izvornih pjesama ostace u trajnom sjecanju. Za njima nimalo nisu zaostajali ni clanovi domaceg KUD-a Kolo, te su i oni, svojim nastupom, odusevili prisutnu publiku. Posebnu paznju prisutnih, a narocito Amerikanaca, prvukao je dio sale koji je bio opremljen kao stara tradicionalna bosanska soba, kao i mnoga tradicionalna bosanska jela kojih je bilo u izobilju.

U subotu, na veliku sreću, po dosta ugodnom vremenu odigran je nogometni turnir kao dio programa festivala. Na turniru je ucestovalo sest ekipa, stim da su veterani odigrali samo revijalnu utakmicu. U ovoj utakmici veterani sastavljeni od igraca iz Chicago-a i domacina Waterloo-a podjelili su bodove rezultatoma 3:3. U takmicarskom dijelu turnira ucestovale su ekipe: Nogometna reprezentacija grada Velika Kladusa, NK Zapadna Bosna iz Chicago-a, domacin NK Krajisnik iz Waterloo-a i juniorska ekipa NK Krajisnik. U svim utakmicama igrao se, izuzetno, kvalitetan nogomet. Krajisnici su i ovaj put pokazali da su veliki znalci nogometne vjestine. Na kraju rezultat je bio slijedeci: cetvrto mjesto osvojili su juniori NK Krajisnika iz Waterloo-a, trece mjesto osvojili su gosti iz zavicaja Nogometna reprezentacija Velike Kladuse pobjedivsi cetvrtoplasitanu ekipu rezultatom 4:0. U finalu ekipa NK Zapadna Bosna boljim izvodjenjem jedanaesteraca pobjedila je domacina iz Waterloo-a rezultatom 5:4, sto znaci da je ekipa NK Krajisnik iz Waterloo-a osvojila drugo mjesto, a pobjednik na nogometnom turniru 1. Bosanskog festivala u Waterloo-u bila ke ekipa NK Zapadna Bosna iz Chicago-a.

Da se Krajisnici znaju istinski veseliti odnosno da znaju zaigrati i zapjevati potvrđeno je i na subotnjoj vecernjoj zabavi. Na zabavi se okupilo preko sestotina gostiju. Cijelo vece atmosfera je bila kakva se samo pozeljeti moze. U dvije odvojene sale u Grand hotelu goste su zabavljali domaci muzicari Alibegic Emin i Miljkovic Besim – Beso, a pjevacki dvojac Galijasevic Safet – Djulin i Miskic Edin – Edo majstorski su odradili svoj dio. Tokom zabave u ime domacina prisutnima se obratio predsjednik NK Krajisnik iz Waterloo-a gospodin Enver Alicic. U toku zabave podjeljeni su pehari najboljim ekipama i pojedincima. Ranije sam vec nabrojao najuspjesnije ekipe a pojedinacno najuspjesniji su bili: najbolji strijelac turnira bio je Samir Sabic iz Nogometne reprezentacije Velika Kladusa, najbolji golman bio je Michael Trent iz NK Krajisnik Waterloo, najbolji igrac turnira bio je Admir Ljeljak iz ekipe NK Zapadna Bosna iz Chicago-a. Pehar za fer-play, s pravom, pripao je gostujucoj ekipi iz Velike Kladuse. U toku ceremonije podjele pehara clan opsinske delegacije i predsjednik NK Mladost iz Vrnograca gospodin Rasim Elezovic obratio se prisutnima i u ime igraca, rukovodstva i navijaca NK Mladost ekipi NK Krajisnik iz Waterloo-a urucio na poklon kompletni dresova.

U petak, juna 13. 2008. godine, prema planu i programu gosti iz Velike Kladuse putuju u Des Moines, glavni grad drzave Iowa, a u Waterloo vracaju se u nedelju poslije podne. Nakon povratka gostiju iz Des Moines-a, ocekuju se zvanicni susret delegacija domacina i gosta te zajednicki i zvanicni susret sa gradonacelnikom Waterloo-a.